

mainatges d'òc **PLUMALHON**

Jòc-concors

Participa a nòstre
concors de
fotografias
e ganha un sac
de dormir !



(5,34 €)



Lo conte



Rigoberta

Menchú



La cigonna blanca



La cigonha blanca

La cigonha blanca es de la familha dels escassiers, coma lo berrat pescaire o la grua. Se'n tròba pertot en Euròpa, d'Estonia a la peninsula iberica. Es un aucèl migrator. Amb son plumatge negre e blanc, son long bèc roge, es de bon conèisser.

Coma totes los aucèls de la familha, se noirís dins las zònas sanhosas e umidas. Li agradan las granhòtas e totes los batracians. Lo seu bèc long es una brava arma per atrapar sas prebas que pòdon èsser tanben d'insèctes, d'escargòls o de mirgas quitament.

Pas de cant

La cigonha canta pas mas aquò l'empacha pas de far de bruch. Fa clicar lo bèc per far passar sos messatges. Aquel clicament espauruga los que se voldrián aprochar del nis. Los joves clican del bèc per dire als vièlhs qu'an talent. Lo que sap escotar se tracha que lo clicament es diferent segon las situacions.



Un nis coma un ostal

Los nises de las cigonhas son lor ostal gaireben. Cada an, la femèla i torna pondre. Per contra, d'una annada a l'autra, i aculhís pas totjorn lo meteís mascle. Aquel nis pòt èsser plan grand. Pòt mesurar 1,50 m de diamètre e pesar de 200 a 400 kg. Tot còp, bastisson lo nis sul cloquièr de las glèisas o sus de chimenèias.



Pòt arribar de veire de cigonhas amb lo bèc negre. Son de joves. Cal un parelh d'ans

per que lo bèc venga roge.

Quand tornan d'Àfrica, adoban lo nis en coble. Apuèi, la femèla i poirà pondre e lo mascle l'ajudarà a coar un pauc mai d'una mesada. Los cigonhats començan de volar al cap de 8 o 10 setmanas.



La cigonha es un dels aucèls pus grands que se pòscan veire en Euròpa. Fa mai d'un mètre d'ausada per 1,60 m d'envergadura.

La cigonha pòt viure un trentenat d'ans. Cada ivèrn, part en Àfrica e torna en Euròpa al mes d'abril o de mai.

